

DIE XIV. APRILIS.
IN FESTO
SANCTI JUSTINI
MARTYRIS.



Introitus. Ps. 118.

Arravérunt mihi iní-
qui fabulatiónes, sed
non ut lex tua; ego
autem loquébar de tes-
timóniis tuis in conspéctu regum et
non confundébar. Allelúja, allelúja.

Ps. ibid. Beáti immaculáti in via,
qui ámbulant in lege Dómini.

V. Glória Patri.

Oratio.

Deus qui per crucis stultítiam
eminéntem Jesu Christi sci-
éntiam beátum Justínium Mártyrem
mirábiliter docuísti: ejus nobis in-
tercessióne concéde; ut, errórum
circumventióne depúlta, fidei fir-
mitátem consequámur. Per eúm-
dem Dóminum.

Léctio Epístolæ beáti Pauli Apó-
stoli ad Corínthios. 1. Cap. 1.

FRatres: Verbum crucis, pere-
úntibus quidem stultítia est;
iis autem qui salvi fiunt, id est no-
bis, Dei virtus est. Scriptum est
enim: perdam sapiéntiam sapién-
tium, et prudéntiam prudéntium
reprobábo. Ubi sápiens? ubi scri-
ba? ubi conquisítor hujus sæculi?
Nonne stultam fecit Deus sapién-
tiam hujus mundi? Nam quia in
Dei sapiéntia non cognóvit mundus
per sapiéntiam Deum; plácuít Deo

per stultítiam prædicatiónis salvos
fácere credéntes. Quóniam et Ju-
dæi signa petunt, et Græci sapién-
tiam quærunt: nos autem prædi-
cámus Christum crucifixum, Ju-
dæis quidem scándalum, géntibus
autem stultítiam, ipsis autem vo-
cátis Judæis atque Græcis, Chri-
stum Dei virtútem, et Dei sapién-
tiam. Quia quod stultum est Dei,
sapiéntius est homínibus; et quod
infirmum est Dei, fórtius est ho-
mínibus. Ex ipso autem vos estis
in Christo Jesu, qui factus est no-
bis sapiéntia a Deo, et justítia, et
sanctificátió, et redémptio.

Allelúja, allelúja.

V. 1. Corinth. 3. Sapiéntia hujus
mundi stultítia est apud Deum,
scriptum est enim: Dóminus novit
cogitatiónes sapiéntium, quóniam
vanæ sunt. Allelúja.

V. Ad Philipp. 3. Verúmtamen
exístimo ómnia detriméntum esse
propter eminéntem sciéntiam Jesu
Christi Dómini mei. Allelúja.

Extra tempus Paschale.

Graduale. 1. Cor. 3. 19. 20. Sa-
piéntia hujus mundi stultítia est
apud Deum, scriptum est enim:
Dóminus novit cogitatiónes sapi-
éntium, quóniam vanæ sunt.

V. Ibid. 1. 19. Perdam sapiéntiam
sapiéntium, et prudéntiam prudén-
tium reprobábo. Allelúja, allelúja.

In Festo S. Justini Martyris.

V. Philipp. 3. 8. Verúmtamen exístimo ómnia detriméntum esse propter eminentem sciéntiam Jesu Christi Dómini mei. Allelúja.

Post Septuagesimam, omissis Allelúja. et Versu sequenti dicitur:

Tractus. 1. Cor. 2. Non judicávi me scire áliquid inter vos nisi Jesum Christum, et hunc crucifixum.

V. Lóquimur Dei sapiéntiam in mystério, quæ abscóndita est, quam prædestinávit Deus ante sácula in glóriam nostram.

V. Quam nemo princípum hujus sáculi cognóvit. Si enim cognovissent, numquam Dóminum glóriæ crucifixissent.

Sequéntia sancti Evangéllii secundum Lucam. Lucæ 12.

IN illo témpore: Dixit Jesus discípulis suis: Nihil opértum est quod non revelétur; neque abscónditum, quod non sciátur. Quóniam quæ in ténebris dixístis, in lúmine dicéntur, et quod in aurem locúti estis in cubículis, prædicábitur in tectis. Dico autem vobis amícis meis: ne terreámini ab his qui occidunt corpus, et post hæc non habent ámplius quid fáciant. Osténdam autem vobis quem timeátis: timéte eum, qui postquam occide-

rit, habet potestátem mittere in gehénnam; ita dico vobis, hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capilli cápitis vestri omnes numeráti sunt. Nolíte ergo timére; multis passéribus pluris estis vos. Dico autem vobis: omnis quicumque conféssus fúerit me coram homínibus, et Fílius hóminis confitébitur illum coram Angelis Dei.

Offertorium. 1. Cor. 2. Non enim judicávi me scire áliquid inter vos nisi Jesum Christum, et hunc crucifixum. Allelúja.

Secreta.

MUnera nostra, Dómine Deus, benignus súscipe; quorum mirábile mystérium sanctus Martyr Justínus advérsus impiórum calúm-nias strénue deféndit. Per Dñm.

Communio. 2. Tim. 4. Repósita est mihi coróna justítiæ, quam reddet mihi Dóminus in illa die justus judex. Allelúja.

Postcommunio.

CÆlésti alimónia refécti súplices te, Dómine, deprecámur; ut beáti Justíni Mártiris tui móntis de accéptis donis semper in gratiárum actióne maneámus. Per Dóminum.

Concordat cum Originali.

Ratisbonæ, die 29. Septembris 1874.

J. M. Reger, Vicarius in Spiritualibus Generalis.